



17334

Pat. komp.

I

Mag. St. Dr.

P

Silnicki Benedicti: Rosa florida d. pa-  
nistes de Buseria Petrokainki offi-  
ciosae salutationis ergo dicata.


PANEG. et VITAE

Polon. 4<sup>o</sup>

M.

750.







ROSA  
FLORIDA,

*Illustris: ac Rndis: Domino,*

D. S T A N I S L A O  
D E B V Ž E N I N

PSTROKONSKI,

Dei & Apostolicæ Sedis Gratiâ,  
E P I S C O P O C H E Ł M E N S I,  
P R Æ P O S I T O P L O C E N . & c . & c .

*Auspicatò*

T I N E C E N : A B B A T I A M

*adeunti,*

Officiosæ Salutationis ergò

A

Fr. B E N E D I C T O S I L N I C K I

aa.

d. cqj.

---

C R A C O V I Æ,

In Officina Typographica Valeriani Piątkowski.

Anno Domini, 1647.





*In Gentilitiam Rosam*  
*Illustriss: ac Reuerendiss: Antistitis:*



BIBLIOTHECA  
 VNIV. IAGELL  
 CRACOVIENSIS

17334

*Cedite Pestano, geminata rosaria, cultu;*  
*Campanę hortorum cedite delitie,*  
*Vestras vincit opes, refluos quę spargit odores;*  
*Inq; solo, inque polo, Pstroconiana rosa.*



# R O S A F L O R I D A.



Ratissimus hic Tuus, Illustriss. ac Reuerendiss. Antistes, multumq; desideratissimus ad nos aduentus, vota quidem promptissima, Orationem vero breuissimam desiderat. Satis apud Te fuerit eloquens, quisquis per amæno candore innutritus, gentilitiam Tuam venerabitur ROSAM. Nefas est omni nexu, & obligatione deuinctum, in tanta gestientium animorum lætitia, rigidum Harpocratis tenere silentium. Exiit omnem penitus humanitatem, qui in conspectu Patroni, nō parum disertus, sed elinguis est. Consona enim-



*Rosa Florida.*

nimvero res est veritati, boni ominis tessera, in aduentu Principum propinari ROSAM. Quam & vnde magis apud Te, iucundam, quam à Te, Tuoq; gentilitio Symbolo auspicabitur quisquam gratulatione? Ego verò magis ne audacem me, quam prouidum, in hoc officioso negotio probauero, non dum curiosè inquirō. Quod in hac sacrationi vmbra silentij spiro, & placeo, Illustriss. Antistes, Tuum est. Et satis omnibus placeo, si Tibi! qui magnum spectatæ prudentiæ in Orbe Polono theatrum crexisti. PSTROKONIA equidem ROSA in BVZENINO primum enata fundo, naturæ miraculum, virtutum seminarium est. No-uo spectaculo, & iam Syrii ardentis æstus temperauit; & autumnales promouet, velut postliminio verni temporis obsequio amœnitates. nec rigidam hyemis vnquã austeritatem exhorrescit. Referant ambrosiosi ad Lunam originem suam Arcades, & in suo



*Rosa Florida.*

in suo volubili Orbe, per fabulosa figmenta triumphent: PSTROCONIA certè ROSA, ita communem rerum agnoscit ac veneratur Parentē, vt à cuius radicibus haufit, & Polono Solo, & Septemtrionali Polo, suauissimam semper odorum propinarrit fragrantiam. Neq; verò genialis ROSÆ pulchritudo, fucum habet, vel cerussam, quæ innato splendet candore, quo vel Lunā ipsam superet tum ob maculas, tum ob rubiginem tenebrarum sæpe horridam. Et.

*Quæ nisi constans est, in leuitate sua.*

An etiam Orientis prænuntia Solis Aurora, amænissimos à ROSA mutuaretur colores, meritò ingeniosus Poëta dubitauit.

*Ambigeres, raperet ne rosas Aurora ruborem,* Aulonis.

*An daret, & flores tingeret orta dies?*

Planè ROSA liliorum nitorem, dulcem violarum ferruginem, lugustorum lac, & reliquos suauissimorum florum colores, iucundissima venustate antecedit, quasi à



*Rosa Florida.*

natura ipsa omnium florum Regina designata. Ausus est pingere hoc naturæ in ROSA secretum, & nescio an sit assecutus Ausonius.

*Hæc viret angusto foliorum tecta galero,*

*Hanc tenui folio purpura rubra notat.*

*Hæc aperit primi fastigia celsa obelisci.*

*Mucronem absolvens purpurei capitis.*

*Vertice collectos illa extenuabat amictus*

*Jam meditans folijs se numerare suis.*

*Nec mora ridentis calathi patefecit honorem,*

*Prodens inclusi semina densa Croci.*

Quid tandem amabilius ROSA, quæ spinis etiam, & sentibus ipsis, armatur ad spectatium, vel tangentium voluptatē? Et quod venustius est, vel post subtilem pollicis ictum, imperium suum retinet, & Coronā. Neque illam Spinarum custodia offendit, sed defendit. Suspicio in hoc argumento, eximium veritatis arbitrum BASILIUM, qui vel ROSÆ Spinās, stimulos amoris appellat, non timoris, cum venustos amici con-



*Rosa Florida.*

templatur aculeos, in Epistola. *Que flo-* D. B. 16  
*rem quidem, inquit, habebat Rosæ, totum nobis* Iusep.  
*ver, blandæ ac eloquentis linguæ expandens: ve-* 149,  
*rum querelis quibusdam & accusationibus, cō-*  
*tra nos spinosa erat; At mihi eloquentiæ tuæ, e-*  
*tiam spina incunda est, ad maius amicitiae desi-*  
*deriū incēdēs. Quod illiustrius Pstroconi-*  
*ANÆ Suadæ elogiū est, quàm aculeis sua-*  
*uiter pungentibus, instructa Oratio?*

*Nam quid opus teneras, mordaci radere vero* Persius  
*Auriculas?* Sat. 1.

Ludit illa verbis, sed non lædit amicū; cor-  
rigit consilio non corripit aduersariū. Dul-  
cis & pariter salubris in Senatu, in Religi-  
one salutaris; *Censoriæ etiam intentionis*  
*episcynium dispergens; quod beneficium, su-* Tertull.  
*perciliofis Oratoribus negat Tertullianus.* lib. de  
Pall.  
Prodigio simile, existimat quisquam, inno-  
centis Rosæ florem, aculeato sepe spina-  
rum vallari? Ego verò aio. Quin natu-  
ram nouercam prouoco ad diuortium. Si  
spinis



*Rosa Florida.*

**Plin.** spinis careat, **Rosa**, non est. quia natura  
**lib. 21.** sua spinosa est, ideoq; odorator. Illius in-  
**c. 24.** dicio odoris, corticis Scabruties. **Rosæ**  
Candor inter Spinas armatus securè con-  
quiescit. Vt veneranda specie, statim o-  
**Bened.** culos feriat, animos percellat, absterreat  
**& us** manus, cohibeatq; importunè vellicantiū.  
**Curti9** Illo, illo virtutis **Roseo** candore **MATTHI-**  
**Sym9** **AS PSTROKONSKI** euasit, ad Virtutis, &  
**phoria** nominis gloriam. Qui tum Principibus  
**nus,** placuit, cum rigorem morum, suauitate  
**Hort.** percussit! tum grauis auctoritate, cum dul-  
**lib. 30.** cis Oratione! Sic illius asperitate sagina-  
**c. 22.** ta **Rosæ** mititas, **SIGISMVNDVM III.**  
in Sueciam, & inde abduxit. Sic hominū  
animos, & sepe rebelles, imo perduelles, ne-  
scio quid peregrinū odorantes, odore ipso  
**Ill. Stā.** coërcuit! Sic vel hostes quia spinosa auer-  
**Lubio9** ski inuitit; vel Ciues, vt generosa refecit; vel ami-  
**ta Matt.** cos, vt candida recreauit. Tanti huius-  
**Pstro** ce odoris, plenæ sunt sapientum voces, ple-  
**konij.** nus



*Rosa Florida.*

✓  
nus Orbis Sarmatici Parnassus. Nam ut Re-  
gibus in manus fasces dedit, sic ma-  
gnis Ciuibus, Magnus ipso nomine PSTRO-  
CONVS, roseas imposuit Coronas. Dubita-  
rem hoc reuelare posteritati, nisi genio &  
stylo insuperabilis consanguineus, hoc no-  
bis tanquam debitum explicuisset ad me-  
moriæ secretum. Sed etiam simplex sty-  
lo, candidus animo, canitiæ ipsa Veneran-  
dus Senex, dum alios luci explicat, hunc  
maximè suspicit MIECHOVIÆ Patronum.  
Nimirum alter hic fuit Isocrates, sed diui-  
nus, ex cuius Roseto, non nisi meritis odo-  
rati, in Orbem Sarmaticum Viri promana-  
runt. Illi inquam laureati, quia laureis li-  
teratis addictissimi LAURENTII GEMBICH,  
illi nominibus & meritis eximij LVBINII,  
grauissimi autoritate & prudentia VEŽICII,  
laboriosi in bono Reip. propagando ZA-  
DŽICII: quos velut in Æneæ clypeo more  
Maronis finxit quidam, sed non effinxit ar-  
biter

Ill. St.  
Lubins-  
ski de  
recte ge-  
rendo  
Episc.

Adm: R.  
D. Sam.  
Nakiel-  
ski  
par. 3.  
Mic-  
chouie



*Rosa Florida.*

biter pietatis, dum sparsos in omnes ROSÆ

PSTROCONIANÆ contēplaretur odores.

Adm. PSTROCONJ Sacra castissima gemma Mi-  
nerua,

R. D.

Sam.

Nakie  
ski

parte 3.

Miech.

PSTROCONJ, Phæbilansq; decusq; tui.  
PSTROCONJ, Magni Phœnix Venerande Senat9  
( Abs cuius roseo, fragrat odore polus )

Dignus eras nobis nunquam moriturus, in annos  
Helia Vitam vivere, continuos.

Præsule Te genium, MIECHOVIA spirat amant;

Præsule Te solidum lusq; Piumq; viget.

Præsule Te meriti patribus renouantur honores,

Præsule Te florent Religionis opes.

Tu templis VEZJKVM ZADZICVMq; dedisti.

LVBINIOSq; graues, consilio, atq; stylo.

Tu Patriæ REGEM, LIBERTATEMq; Polonis

Concilias, præstans auctoritate, fide.

Quicquid Posteritas, Fastis inuoluit in istis.

Istud ab exemplo profluit omne Tuo.

Hæc Tua Illustriss: Antistes, gentilitia RO-

SA, & sic in amæniss. Patriæ roseto floruit,

& dedit Te posteritati florentem. Ofæ-

cun-



*Rosa Florida.*

cundam nimium ROSAM, quæ & religiosam  
Familiam, quæ à SS. nomine IESV nomen  
habet, odore refecit, & Patriam Suauissi-  
mis meritis recreauit. Gratulari libet au-  
gusto huic viridario, quod tam fæliciter, i-  
stam perbeatam ROSAM transplantatam  
susceperit, & felicius emiserit, ad illustrem  
meritorum propagationem. *O*baudite me  
*diuini fructus: & quasi ROSA plantata super*  
*riuos aquarum, fructificate. Florete flores, quæ*  
*si Liliū, & date ODOREM; & frondete in gra*  
*tiam; & collaudate canticum, & benedicite Do-*  
*minum, in operibus suis.* *Ecclesi.*  
Hic sibi domicili-  
um simplicitas, candor animi, integritas,  
puritas, tenax propositi æquitas perenni iu-  
re designarunt. Quicunq; huic albo inscri-  
pti sunt, incedunt conspicui; *Habentes RO-*  
*sam & Lilia.* Et has apud nos virtutes  
(procul inuidia) more Maiorum propagatas,  
Illustriss. Antistes inuenisti. quās ne fūco vi-  
olentur ostentationis atro reconditas foue-  
*Ezdræ.*  
*c. 2,*



*Rosa Florida.*

mus velamine. Nam hæc propitio Numi  
ne D. Patris BENEDICTI germina, ex-  
Eccl: creuerunt in Ecclesia Dei, *quasi plantatio*  
c. 24. *Rosæ in Jericho.* Ingens in hoc Roseto, est  
Rosarum exercitus, qui ne oculis quidem,  
capi potest, quia æternitati insertus est. Il-  
linc *Rosis* concolor domicilium est; ne so-  
lus in terris Rosarum cubiculis, verno tem-  
pore, superbiret *Galienus* Imperator. Illinc  
ver floridum, vernalq; *Rosas*, per Zephyrū  
preconem, euocat æternitas, ad amænita-  
tem. In illo Decorum Indigetum Conui-  
uio, Amore saltitante, nectar effusum adru-  
buit in *Rosam*. Age igitur Illustriss: Antistes,  
cum Lyrico.

Hor. l. 3.  
Ode 19.

*Sparge Rosas audiat inuidus,  
Florentem strepitum Lycus.*

Nam *Rosæ* huius non ferunt odorem,  
quicumq; veræ virtutis gustum, non habent.  
Odor *Rosæ* puris & si calidis capitibus  
prodest, fæda humorum illuue madidis,  
magis



*Rosa Florida.*

magis obest. Quin & scarabei, *Rosa* nec-  
cantur, ut est testis *Theophrastus*. Et *Taran-*  
*tius* apud Absyrtum ictos a serpente, serua-  
ri contendit, qui *Rosæ* radicem amuleti  
vice gestauerint. E *Rosa* quoq; medica-  
mentum contra Scorpiones, assignat *De-*  
*mocritus*. Certent, Prænestina, Campana, Phil. 1. 21  
Milesia, Trachinia, Alabandica, Pangæa, c. 4.  
Græcula, Carthaginensis, Ciremientis, &  
quæ Cylistos, & eccylistias suppeditant Co-  
rollas, & quæ in Arcadia à Timarchide dici-  
tur *euomphaton*, multitudine foliorum, læ Cæl.  
uore, colore, odore *Rosæ*; omnes vna Rhod.  
*PSTROKONIA*, varietate, fragrantia, nobi- lib. 27.  
litate, perseverantia meritorū vincit. Quid c. 26.  
quod huius amænitate *Rosæ*, currentis e-  
tiam annis enectus reiuuenescit? & omnis  
vernatur odore hyems! ut ver hybernum, &  
hyemem vernam, Sarmatico sub polo, no-  
bis repræsentet! siue cognato candore, cir-  
cumfusas vincat niues, siue Cælo concolor  
dulcem



*Rosa Florida.*

dulcem redoleat suauitatē! Et quisquā dubitabit, si torrida reflorescit æstas, in verperamænum, Autumnum quoq; gratissimā ob temperiē, suas inter vernare vindemias? Circumfert vbiq; hæc ROSA verni temporis amænitatem, quæ in sæua curarum tēpestas, nunquam rigidis frigoribus obrigescit. O quā amænus prodromus, Illustriss: D. Rosæo meritorum odore, Polono sēper in Orbe, contendisti ad gloriā. O quā salubrem ē Tuo patrio Roseto, nobis odoris Africum inspirasti! Et verò conueniebat gentilitium Virtutum hæredem, nullo magis quā Rosæo incalescere odore. Quo enim alio PSTROKONIANI candoris æstus, quā odorato pietatis spiritu animaret nepotem? Hinc Te nobis conspiciendum dedisti, ad eam festi solennitatem, qua, *Ipsa ro-*

*Hesth. seo calore vultum perfusa, gratis ac nitentibus oculis, Esther ingressa, stetit contra Regem cuius facies plena est gratiarum. qui tulit auream virgā*

*et po-*



& posuit super collum eius. Venisti gratiss. Ho-  
 ipes in Tuum Tinecium, dum *Quasi flos ro* Ecclesi.  
*jarum in diebus vernis,* magna Dei parens, in cap. 50  
 die suæ Natiuitatis salutatur. Nam pariter  
 omnia bona cum illa nata sunt mortalibus.  
 Quam sit Vestra Gens, huic Magnæ Patro-  
 næ dedita in obsequium, consona veritati  
 miracula testantur. Illius propitiam beni-  
 gnitatem MATTHIAS PSTROKONSKI ex-  
 pertus est infans. Abreptus flumine, aqua-  
 rum gurgite absorptus non est. Quasi fer-  
 rû Elizei, aquis innatabat, qui Virginis dex-  
 tra tenebatur, ne concideret in profundû. 4 Reg  
c. 6.  
 Molem corporis, mole aquarum non com-  
 primi deorsum, nonne nouum prodigium  
 est? Sed viuax ignis ille immaturæ ætatis,  
 profundis Vartæ vorticibus suffocari non  
 potuit, qui prouido candore, debuit accē-  
 di in flammam pietatis erga Virginem. Hoc  
 singulari Religionis affectu, fidelis alumnus,  
 Matrem Dei Virginem, semper veneratus  
 est.



*Rosa Florida.*

est. Hanc Mineruam suam coluit, hanc literatis addixit Camænis Patronam. huic progressionem, honorumq; in Rep. gradus, huic aras, lacrasq; tyaras, & quicquid in vita magnum habuit, consecrauit. Quippe inter Scyllam & Charybdim, inter vadosa breuia, & Syrtes, procelloso in mari iactamur mortales, pulsamur tempestatibus; in tanta vitæ calamitate, fortunæ rabie, tutela à Virgine petenda est. Hæc Helice, hæc Cynolura, hæc sacra nostræ spei anchora, quàm potens, tam clemens, etiam naufragos seruat. Enimuero decerptæ Rosæ quæ nam maior vtilitas esse potest, nisi quis odore pascatur, exhibeatq; oculis eius voluptatem iucundissimam. Iucundissimam inquam, quia simplicem, naturalem, nec vlglo impendio nostro constantem. Detestantur etiam barbari purpuram, ob adiectitiam multæ impeniæ rationem, dolosos & colores. Nullis impensis ROSA, purple-

Cæl.

Rhodiglo

l. 271

c. 26.



*Rosa Florida.*

pureum candidumq; retinet colorem: præ-  
terea locis ficcis, quàm humidis odoratio-  
r prouenit. <sup>Plin.</sup> Seri neq; pinguibus vult, neq; <sup>lib. 21.</sup>  
argillosis locis, nec riguis, contenta raris, <sup>c. 4.</sup>  
proprièq; ruderatum agrum amat. Hoc  
imitabili pietatis odore, perfudisti ædes sa-  
cras in fundo BVZENIO; sed videant hæc  
quoq; speculatores oculi Tui Illustriss. Anti-  
stes, in Tinccio rudera, quæ mutari cupi-  
unt in aspectabilem candoris amœnitatem.  
Aspice vt hoc Principum Apostolorum au-  
gustal, Magni Mæcenatis STANISLAI LV-  
BIENII, spiret munificentiam, qui, si per fa-  
ta licuisset, totam hanc horridi squallo-  
ris abrasurus erat rubiginem: sed (credo e-  
quidem) fœcundam Tuam ROSAM, hæc  
manet fœlicitas: vt florei nitore nominis,  
veneradam speciem parietibus inducas de-  
speratis. Insuper hi quoq; tyronum adole-  
scentes in spem Religionis furculi, Tuæ Ro-  
sæ suauissimo cupiunt odore recreari. Pro-  
cul



*Rosa Florida.*

eul ab auribus Religiosæ nostræ Parentis;  
illa fuerit exprobratio, quam imperitæ mu-  
lieri irata ingessit Sapho: *Mortua iacebis,*  
*nec enim hortulum habebis Rosarum ex Pieria.*

Et prædicantur! Numa quod ab Egeria, Ly-  
curgus ab Apolline, Minos à Ioue, Melesta-  
goras à Nymphis, Pindarus à Pane, Hesio-  
dus à Musis, Sapientiam hauserunt! an no-

Ben.  
Cur.  
Sym-  
phor. lib.

bis *ROSAM cum anemona conferre licebit?*

30. c. 22.

Cum præsertim ab his perauspicatis pro-  
fluxerint initijs, ad Numinis gloriam, qui-  
cunque religiosis olim profecerunt incre-  
mentis Sacerdotes. Nam SS. Patris BE-  
NEDICTI, antiquissima Familia, nun-  
quam pietatem, ab eruditione, nouercali  
odio seereuit. At verò innatus est Tibi Il-  
lustriss. Præsul in literas fauor. Nempe  
*Corolla ex Rosis confecta, Musarum esse dicitur:*  
quæ apud Te Illustriss. Mæcenæ, non  
iam prouerbij locum, sed veritatis tenet ar-  
gumentum. Liceat igitur nostro huic viri-  
dario,

dario, cum Rosæ amœnitate reflorescere;  
liceat rosei sæculi, ver perpetuum, ærumno-  
so hætenus fundo, tolutum gratulari. Ta-  
lem Te nimirum nobis Illustriss. Præsul, Pa-  
trem & Patronum præstabis, qualem Te na-  
turæ bonitas, candor animi, integritas, Co-  
mitas, & reliquarum virtutum consona har-  
monia effinxit. In nostro quoq; salutatio-  
nis proposito, non tam Orationis nitorem,  
quàm mentis obsequentis candorem con-  
siderabis. atq; si his ruderibus dictionis, nō-  
dum luculenter expressas virtutum repe-  
reris imagines, recordaberis tamen, Rosas,  
inter allia, solere suavius olere, & rubere a-  
mœnius, & florere fœlicius. Quin &  
Rosæ dum spirant Fauonij, odoratiorem  
mittunt fragrantiam; nec amœnius quàm  
flantibus Zephyris incitati, cantus vocalio-  
res depromunt olores. Nostrum ergo mu-



*Rosa Florida.*


nus erit sempiternum, Supremo Numini  
supplicia fundere vota, vt Centifolia Tua.  
Illustriss. ac Reuerendiss. Præsul, ROSA, o-  
dore meritorum fragrantissima, augustis in  
Ecclesia Dei honorum accessionibus, ad ma-  
turitatem efflorescat, nec nisi sat serò, fe-  
sto Floriferio, in æternitatis RO-  
SETVM reponatur.

DIXI.



139. 1. 13.





Biblioteka Jagiellońska



slcR0013451



